

Bosna i Hercegovina
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ŽEPČU
BROJ:044-0-Su-23-000283
Žepče,06.06.2023.godine

KOMISIJA ZA DAVANJE PRETHODNE SAGLANOSTI ZA POPUNU UPRAŽNJENIH RADNIH MJESTA U KANTONALNIM ORGANIMA UPRAVE I OSTALIM ORGANIMA/USTANOVAMA U KOJIMA SE PLAĆE I DRUGE NAKNADE ZAPOSLENIKA U CJELOSTI ILI DJELIMIČNO FINANSIRAJU IZ BUDŽETA ZENIČKO-DOBOJSKOG KANTONA

PREDMET, Obnova procedure pribavljanja saglasnosti za radna mjesta „Čistačica i „Viši stručni suradnik-zemljišnoknjižni referent“

I

Aktom Zeničko-dobojskog kantona, Premijera broj:02-30-3734-2/23 od 17.04.2023.godine obavijestili ste ovaj sud s pozivom na Zaključak o izmjeni i dopuni Zaključka Vlade Zeničko-dobojskog kantona broj:02-30-3734/23 od 09.03.2023.godine da dostavimo dokumentaciju kojom dokazujemo da za naprijed navedena radna mjesta postoji realna potreba za upošljavanjem novih uposlenika. Da uistinu postoji nužna i objektivna potreba za nesmetano funkcioniranje Općinskog suda u Žepču sukladno točki III Zaključka o izmjeni i dopuni Zaključka Vlade zeničko-dobojskog kantona dostavljamo Vam rješenje Federalnog zavoda za penzijsko i invalidsko osiguranje- kantonalna administrativna služba za Zeničko-dobojski kanton broj:UP/I-FZ7/2/1-31-2-583-3/23 od 16.05.2023.godine kojim rješenjem je naloženo Općinskom sudu u Žepču da „Čistačicu“ Jelku Martić rasporedi na drugo radno mjesto.

Ovakva činjenična situacija ima za posljedicu da Općinski sud u Žepču trajno ostaje bez „Čistačice“. Znači, postupajući po rješenju Zavoda za penzijsko i invalidsko osiguranje ova uposlenica je raspoređena na poslove „Višeg referenta-recepcionara“.

Napominjem da je aktom o sistematizaciji upražnjeno radno mjesto recepcionara već šest godina, te da je ove poslove na neadekvatan način obavljala sudska policija (stalno isticanje sudske policije da to nije njihov posao , te da oni nisu dio kolektiva Općinskog suda u Žepču).

Imajući u vidu činjenicu novosagrađenog objekta, prolongiranje popune upražnjenog radnog mjesta „Čistačice“ neminovno bi dovelo do zapuštanja objekta i dobijanje negativne ocjene u pogledu održavanja objekta od strane investitora EU koji kontinuirano prate održavanje objekta.

II

Što se tiče drugog naznačenog upražnjenog radnog mjesta tj. „Višeg stručnog suradnika- zemljišno-knjižnog referenta“ nužno i objektivno dokazive dokaze vidim u aktu Federalne uprave za geodetske


poslove iz kojeg proizilazi da sa postojećim uposlenicima u Zemljišnoknjižnom uredu Općinskog suda u Žepču nije moguće ući u proceduru harmonizacije nekretnina koja je planirana započeti u ovoj godini.

Dakle, dovedeno je u pitanje nesmetano funkcioniranje i obavljanje poslova Zemljišnoknjižnog ureda sa kadrovima koji su trenutno raspoređeni a to je zemljišnoknjižni referent Edima Memčić koja je sa SSS i koja prema Zakonu o zemljišnim knjigama i sprovedbenim propisima –pravilnicima neispunjava uvjete da bude angažirana u postupku harmonizacije nekretnina.

Znači slijedi veliki posao kako bi se ustrojila gruntovnica jer cijelo područje općine Žepče ima uspostavljenu evidenciju u gruntovnici samo za dvije katastarske općine, a cijela općina prema općinskim katastarskim evidencijama ima trideset katastarskih općina, neophodno je uspostaviti i evidentirati nekretnine još za 28 katastarskih općina.

Dakle, ovoliki posao nije moguće ni započeti kako to opravdano tvrdi Federalna uprava za geodetske poslove s jednim postojećim zemljišnoknjižnim referentom čiju kapaciranost sam objasnila u prvopodnesenom zahtjevu za zapošljavanje zemljišnoknjižnog referenta.

S poštovanjem!



Predsjednica suda,

Dragica Dragičević